



Bosnia and Herzegovina
Federation of Bosnia and Herzegovina

CANTON SARAJEVO
Ministry of Economy

Broj: 07-04-25-3581/19
Sarajevo, 29.03.2019. godine

SKUPŠTINA KANTONA SARAJEVO
SLUŽBA ZA SKUPŠTINSKE POSLOVE
-ovdje-

PREDMET: Odgovor na poslaničku inicijativu

Na 5. Radnoj sjednici Skupštine Kantona Sarajevo, održanoj dana 27.02.2019. godine u okviru tačke Dnevnog reda "Poslanička pitanja, inicijative i odgovori", zastupnica Admela Hodžić pokrenula je zastupničku inicijativu:

"Podnosim inicijativu Ministarstvu privrede KS za izdvajanje sredstava i regulaciju toka rijeke Zujevine u mjestu Pazarić u dužini oko 900 metara. Na području gdje svake sezone kiša, u proljeće i jesen, dolazi do izlivanja rijeke i poplava što prouzrokuje ogromnu materijalnu štetu i ugrožava ljudske živote stanovnika tog područja, potrbno je za sanaciju izdvojiti oko 1. milion KM.

OBRAZLOŽENJE

Svejdoci smo zadnjih poplava na ovom području u naselje Pazarić izlivanjem rijeke Zujevine iz korita, od mosta na putu Ml 7 na ulazu u naselje i do centra naselja. To je najveća plavna površina na području Općine, gdje je poplavljeno oko 30 stambenih, pomoćnih i privrednih objekata i zemljište cca P=50.000 m2 odnosno 5 ha u dužini od cca 900 m vodotoka rijeke Zujevine.

Na desnoj obali rijeke Zujevine poplavljene su objekti i zemljište u ulici Bjelašnička i na lijevoj obali rijeke Zujevine u ulici Omladinska i ugroženi životi stanovništva od najmlađih, među kojima su osnovci i srednjoškolci, pa čak i bebe, koji se noću kada je najkritičnije moraju izmjestiti na sigurna mjesta. Nakon tako provedenih noći naši školarci nisu u stanju pratiti nastavu, a isti problem imamo svake jeseni i proljeća na ovom području kada se rijeka izlije iz svoga korita.



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaiudina Čausevića 1



Na ovom lokalitetu je također pricinjena materijalna šteta na pojedinim objektima i velikim površinama građevinskog i poljoprivrednog zemljišta nakon čega vlasnici sami saniraju štetu i iznalaze rješenja da se zaštite.

Općinski načelnik i Služba civilne zaštite Općine Hadžići stanovništvu pružaju maksimalnu pomoć u ovakvim situacijama ali sredstva za izradu projektne dokumentacije, rješavanje imovinsko pravnih odnosa i izvođenje radova koja su potrebna za trajno rješenje ovog problema iznose oko 1. milion KM koje Općina sama ne može finansirati.

Molim nadležne da što prije razmotre ovu inicijativu i pristupe iznalaženju trajnog rješenja ovog-problema kako bi stanovnicima Pazarića a naročito našim najmlađima obezbijedili siguran život.

Odgovor:


Ministarstvo privrede prihvata inicijativu zastupnice Admele Hodžić u smislu da se trajno riješi pitanje izlivanja rijeke Zujevine u naselju Pazarić. U tom pravcu je prilikom radnog sastanka Ministra privrede sa svojim saradnicima i Načelnika općine Hadžići sa svojim saradnicima, dana 20.03.2019. godine, razgovarano pored ostalog i o rješavanju problema poplava na cijelom području općine Hadžići, kao i u naselju Pazarić. Općini je dobro poznat problem poplava u naselju Pazarić te su se složili da se problem zajednički rješava.

Da bi se izvodili radovi neophodno je da općina Hadžići pripremi investiciono-tehničku dokumentaciju koje trenutno nema, na osnovu koje bi se izvodili radovi i izabrao izvođač radova.

Općina Hadžići se složila da pokrene aktivnosti na pripremi dokumentacije, a Ministarstvo privrede je spremno izdvojiti dio sredstava u 2019. godini ukoliko općina izradi projektnu dokumentaciju i pribavi potrebne saglasnosti neophodne za izvođenje radova u 2019. godini.

Dostavljeno:

- Naslovu,
- Evidencija,
- a/a.



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemajudina Čauševića 1

